



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus VII. An excommunicatus lucretur fructus beneficii?

[urn:nbn:de:hbz:466:1-73064](#)

ARTICULUS VII.

*An excommunicatus lucretur fructus
beneficii?*

1953 **S**Uponend. ex proventibus Ecclesiasticis
alios esse, qui competunt beneficium
habenti; alios, qui tanquam merces, &
stipendum redduntur quotidie peragentis
bus divina officia, vocanturque distributiones
quotidianæ; ita Covars apud Gibalin.
D. 7. q. 7. n. 51. qui ait nomine *fructuum
Ecclesiasticorum*, si laxè sumantur, venire
non tantum redditus ex beneficio, sed etiam
pensiones, & quotidianas distributiones,
decimas, oblationes, & elemosynas, ac
quidquid quomodounque acquiritur titu-
lo Canonico: revera enim sunt proventus
Ecclesiastici, & vocantur impropriè bene-
ficia manualia: in stricta tamen acceptione
non veniunt nomine fructuum, nisi pro-
ventus præbendarum, non autem quotidianæ
stipendia; Quia jus ad hæc non est
strictè beneficium; ergo nec dictæ distribu-
tiones strictè dici possint *fructus beneficii*; quibus positis, quæstio est, an excommuni-
catione major etiam privet fructibus Ecclesiasticis? Quia in re R. 1. si beneficium accepisti
tempore, quo excommunicatus eras, cum
acquisitio fuerit nulla, etiam jus nullum te
habere ad fructus beneficii. Hoc intellige
de excommunicato vitando; nam de tole-
rato discurrendum est secundum dicta jam
sepius; si tamen judicasti, te verum habe-
re titulum beneficii, & fructus ejus bona
fide percepisti, non es obligatus restituere,
nisi quantum de illis adhuc extat vel in se,
vel in eo, quo factus es ditior; ita Suarez,
Coninch, & Layman, quos citat & sequi-
tus Castropalaus p. 11. n. 1. in fine, quia
tunc processisti ex possessione munera existi-
mato titulo, & bona fide. Sed

1954 Quæres 1. an excommunicatione major
ipso jute privet fructibus? R. quod affirmati-
vam sequatur Guttier. Suarez, Garcia,
& alii apud Castropalaum 1. quia in c. *Pa-
storale*, §. *verum*, de appellatione: dici-
tur, quod illi proventus Ecclesiastici merito
subtrahantur, cui Ecclesia communio denega-
tur, ex quo textu patet, revera privari ex-
communicatum fructibus beneficii; ubi
notant, quod Pontifex comparat subtractionem fructuum cum carentia commu-
nicationis; sed hanc habent excommunicati
vitandi ipso jure; ergo & illam, 2. quia

Pontifex ibidem dicit hanc subtractionem non impediri per appellationem, quod
tamen falsum esset, si non esset contrafacta
ipso facto: Gibalitus tamen disq. 7. q. 7.
n. 52. docet illis privari, solum post senten-
tiam Judicis. Idem tanquam verius se-
quitur Castropalaus cit. n. 4. Glossa, Val-
quez, Coninch, Hurtado, Layman & San-
chez. Ratio horum est; quia talis subtractione
non probatur incurti ipso facto per ullum
textum juris. Nam in c. *Pastorale* cit. non
dicitur, *subtractos esse*, sed *meritos subtrahi*,
quod significat actionem Judicis. Deinde sin ipso facto subtracti essent, male Epis-
copo quærenti, num tali subtrahendi sint
fructus, respondisset Pontifex, *meritos sub-
trahit*, si jam subtracti sint. Ex quo patet
ad primam rationem sententiae contraria.

Ceterum, illa comparatio subtractionis, ¹⁹ cum carentia communionis, non sit, ut habeant se eodem modo in omnibus. Carentia enim communionis est excommunicatione denuntiatæ necessaria, non
autem subtractione fructuum; sunt enim nonnulli excommunicati, qui privaverunt
communione fidelium, non autem fructibus, ut notat Gibalitus cit. n. 54. Ad 2.
rationem R. non semper infestri effectum aliquem induci ipso facto, cum in jure dic-
tur, *non impediri per appellationem*. Sen-
sus enim est, quod Judge ab actu suo non
impeditur per appellationem, quod sit,
si scilicet legitima non esset, aut etiam con-
tra legitimam specialiter caverit, & hanc
sententiam etiam probabilem, & tutam in
praxi, censet Leander cit.

Ex hoc inferes cum Gibalino cit. n. 54. ¹⁹
§. cum itaque, excommunicatum vitandum,
omnes fructus sui beneficii prius legitimè
obtenti, quos durante excommunicatione
percipit, facere suos (nisi aliud ferat
sententia excommunicationis) quam diu
non privatur illis per sententiam Judicis.
Nam ipso facto non privatur illis secundum
dicta: adunt Hurtado D. 6. de excom-
munic. diffic. 1. & Suarez, quod licet exta-
ret jus aliquod, tales excommunicatum
ipso facto privans fructibus dictis, ei tamen
nunc derogatum sit contraria consuetudi-
ne; sic ut nec Judge privatus, stante hac
consuetudine, possit eiusmodi excommuni-
catum privare fructibus, jam perceptis,
aut percipiendis.

Imo si per se, vel per alium administret ¹⁹⁵⁷
officium suum, propter quod habet bene-
ficium,

In Tit. XXXIX. De Sententia Excommunicat. 437

ficium, probabilius est iuxta Gibalin. cit. n. 55. quod, licet peccet ingerendo se divinis, tamen validè recipiat stipendia, sic possessor malæ fidei validè accipit mercem laboris à se impensi circa rem iniquè detentam, ut habet Petrus Navatra, Henriquez, Sanchez, & alii; ex quo sequitur, quod habens beneficium simplex, obligans tamen ad horas Cahonicas recitandas privatim, licet excommunicatus sit, omnino capiet fructus illius beneficij; ita Vasquez, de benefic. c. 4. §. 3. n. 229. quod idem de suspenso dixit Navarrus, c. 27. n. 160. quos citat, & sequitur Gibalin. cit.

1958 Sive autem supponas excommunicatum privari fructibus beneficij primò post sententiam Judicis, sive ipso facto; probabilius tamen est; illum posse frui fructibus sui beneficij, si ipse non dormit in contumacia, nec per ipsum stet, ab excommunicatione liberari; ita Layman, & alii quia talis non manet culpabiliter in censura; hæc autem poena est solum in eos, qui sunt in excommunicatione cum mora culpabili; non enim oritur ex natura censuræ; alias induceret eam ipso facto. Deinde quia talis poena, in hac hypothesi, est solum secundarius effectus censuræ; non est autem necessarium, ut semper habeat omnes tales effectus, saltem, de quibus prudenter presumi potest, quod illos legislator hic & nunc nolit; sed in hoc casu id de isto effectu prudenter presumi potest ex benignitate Ecclesie; ergo: contrarium tamen tenet Castropalaus p. 11. n. 14. quamvis n. 13. cum Suarez existimat, omnes fructus beneficij à tali judice restituendos esse excommunicato à tempore absolutionis iustè dilatae.

1959 Sin excommunicatus sit egens, iuxta Gibalinum n. 58. probabile est, quod possit sibi retinere partem fructuum, quibus alias sive ipso jure, sive sententiâ Judicis privaretur; potest enim hoc ipsum in tali statu capere titulo eleemosynæ, cum aliqui aliis pauperibus dandum esset. Unde in tali casu Ecclesia non censetur invita; aliud enim est, quod suos ministros non obliget, ut ejusmodi excommunicatos alat; aliud, quod molestè ferat, si sibi ob egestatem clanculum aliquid surripiant; primum verum est, si ipsi non impediunt liberationem à censura; non vero secundum.

1960 Quæres 2. an privatio fructuum affi-

ciat quemlibet excommunicatum? & quod officiat quemlibet vitandum, saltem post sententiam judicis, si lata sit excommunicatione per sententiam; non vero si à jure ratio est, quia vitandus, etiam pereantibus aliis, peragere nequit officium, propter quod dantur fructus beneficij, nisi officium agat per alium; hoc enim sonat simplicem commissionem, non vero jurisdictionem. Deinde c. pastoralis, loquitur tantum de excommunicato per sententiam: Iesus dicendum est de excommunicato tolerato; hic enim etiam potest officium peragere per alium; vel per se ad aliorum petitionem. Sic Gibalinus n. 59. cum quo dicendum ulterius, non amitti fructus beneficij, Creditoribus assignati, subseqente excommunicatione beneficiati, esto stante excommunicatione illis per expressam sententiam privetur, si sermo sit de acquisitis ante excommunicationem; nam peccatum debitoris superveniens non deber afferre prajudicium creditori in illis, quorum jus ante illud erat penes debitorem: Secundus si sermo sit de fructibus, quos primò lucraturus erat, nisi expresse excipiatur prajudicium Creditoris. Nam assignatio per debitorem facta non stat, nisi supposito jure, in illos fructus; hoc autem ei impeditur per supervenientem excommunicationem posita sententiâ Judicis; ergo.

Quæres 3. ad quid nihilominus teneatur Clericus privatus fructibus sui beneficij? & quod teneatur. 1. ad onera personalia, ne scilicet ex sua malitia fructum habeat. 2. Ad onera realia affixa rei, quam excommunicatione non tollit ex eadem ratione; & ideo in c. Si verè, 34. de sent. excom. dicitur: *Ab excommunicatis exigi, & recipi posse, quod debetur;* ubi redditur ratio à Pontifice, quia alias videremini vos (nimis non excommunicati) *damnum ex penitentia, ipsi vero præmium, ex contumacia reportare:* cum ad hoc debitum ex solvendum ipsi vobis maneam obligati, & ab excommunicatis exigi possit, & recipi, quod debetur. Est autem cautum in jure, quod si quisquam per terram hæreticorum, aut quorumlibet excommunicatorum, transierit, necessaria emere ac recipere poterit ab eisdem. Præterea si paterfamilias domus excommunicationis sententiâ fuerit innodatus, à participatione illius familia excusat. Licet ergo Dux Venetorum, Dominus navium, tanquam paterfamilias domus, in excom-

438 Tract. In Lib. V. Decretal. Quest. XXXIX.

municatione persistat; *Vos tamen tanquam ipsius familiam, dum in navibus ejus fueritis, ipsius excommunication non continget, & excusabiles eritis apud Deum, si in excommunicatorum navibus existentes, cum dolore cordis, sub spe penitentia, communicaveritis ipsi, in quibus eorum communicationem non potueritis evitare.* Ratio enim oneris oritur ex re, cui affigitur; unde per oppositum non tenetur ad onera realia rei, quam tollit excommunication, sic Gibalin. n. 61. hinc non tenetur solvere pensiones impositas beneficio; haec enim sunt annexae fructibus, qui supponuntur sublati; Suarez D. 13. de cens. sect. 2. n. 24. idem est de alio quoque subsidio fructibus annexo; tunc enim pertendum est ab eo, qui fructus capit. Neque Superior tenetur excommunicatum contumacem sustentare de fructibus beneficio, si laboret egestate; ipse enim tunc in causa illius est, licet possit aliquam illi partem dictorum fructuum, tanquam pauperi, applicare; Filiuci str. 12. c. 5. q. 6. n. 136.

1962 Quæres 4. an in dicto casu nomen *fructus strictè*, vel amplè sit accipiendum? Responder Leander q. 35. debere sumi *lazè*, pro quolibet proventu Ecclesiastico, & titulo spirituali, redundantem in illum ex bonis Ecclesiae, asserens, id velle Innocent. III. in c. *Pastoralis* §. *Verum*, de appellat. & cum eo omnes Doctores; verba dicti c. sunt: *illi proventus Ecclesiastici merito subtrahantur, cui Ecclesia communio denegatur.* Notandum tamen, licet nomen *fructus* sumeretur amplè; sub eo tamen non venire fructus patrimoniales, etiam assignati sint in titulum ordinationis; quia eiusmodi patrimonium manet merè temporale; nec sit spirituale, etiam per indirectam connexionem; sic Glossa in c. *Tuis*, 23. de præbend. & ibid. Panormit. n. 6. & 8. Colligitur ex Trid. Sess. 21. c. 2. de reform. ubi Clericus de consentia Episcopi permititur illud alienare, si ei de beneficio legitimè provisum sit.

1963 Quæres 5. ad quem pertincent fructus, quibus excommunicatus privatur? *R. 1.* si privatur distributionibus quotidianis, quia non peragit suum officium, cum prohibitus sit; eas pertinere ad illos, ad quos propter quacunque absentiam, aut non residentiam pertinerent, jure accrescendi, vel decrescendi; sic Alterius, & alii, quos citat, & sequitur Gibalinus q. 7. n. 63. qui addit, illos fructus, vel distributiones, qua-

dabantur Dignitatibus, vel Personatibus, ratione certi servitii in Ecclesia Cathedrali, vel Collegiata, applicandas esse vel fabri-
ca Ecclesiae, si indigeat; vel alteri loco pio, ex arbitrio Ordinarii, ut fit propter absen-
tiam, vel non impletionem debiti servitii,
ut habetur in Trid. Sess. 22. c. 3. de reform.
fructus autem grossos, qui scilicet nascon-
tur ex beneficio, quam diu excommunicati
illis privatus manet, convertendos es-
se in utilitatem Ecclesiae, constituto alio,
qui assignato stipendio, curam gerat ejus
Ecclesiae; si vero excommunicatus habeat
Coadjutorem, etiam cum iure successionis,
ei cedere fructus; tunc enim ita se haberet,
ac si nullus esset coadjutus, quamvis applicari
quoque debeat aliiquid ad sustentanda
oneru beneficio imposita, & alia opera, p.
v. g. in sustentationem pauperum, sicut
in quantitate, quam alias à beneficiario ac-
cepissent; ita Suarez, & Garcia apud Gi-
balin. Difq. 7. q. 7. n. 63. in fine.

Quæres 6. an excommunicatus ali. 1963 quando possit repeter fructus, quibus pri-
vatus est? *R. posse*, si excommunication
fuit in re invalida; licet valida, existima-
tionem; nam eo casu licet fructus capere, &
amissos recuperare, vel ab eo, qui perce-
pit, vel à judice, qui in alterius utilitatem
applicari jussit. Aliud censem Authores
de distributionibus quotidianis; nam illas
volunt aliqui repetendas esse à Judice, qui
sententiam iniquam tulit; ita Suarez, &
Filiuc. apud Gibalinum cit. qui tamen sen-
tit repetendas prius ab iis, qui percepe-
runt. Quia tunc in eos jus suit revocabili-
ter translatum, ut fit, cum quis inculpa-
biliter abest officio; Clericus autem incul-
pabiliter abest officio, cum abest ob talem
excommunicationem.

Dices: Judex, qui tulit iniquam sen-
tentiam, puniri potest; ergo ab illo repe-
tenda sunt dictæ distributiones. *R. cum dist.*
anteced. & C. si ostenditur, quod illam sen-
tentiam iniquè tulerit; secùs, N. ita c. 1. de
re judicata in 6. ubi dicitur, quod *Judex, qui*
contra iustitiam, & contra conscientiam ali-
quid in iudicio fecerit in gravamen partis, per
gratiam, vel fides, condemnandus sit parti
les in affirmationem litis. Nam contra Judi-
cem ex officio agentem nunquam praesu-
menda est iniurias, nisi convincatur, c.
Absit, 11. q. 3. ubi Anterus Papa, scribens
ad Episcopos Hispaniæ, *absit*, inquit, *ut*
quidquam sinistrum de his arbitrentur, qd.

Apostolico gradui succedentes, Christi corpus, sacro ore, conficiunt, &c. hinc cum in jure dicitur: in iustam sententiam potius obesse ferenti, quam injuriam passo, intellige, cum fertur iustum.

ARTICULUS VIII.

*An, & qualiter excommunicatio major pri-
vet habilitate conferendi beneficia?*

1966

Questio est, an omnis excommunicatus, excommunicatione majori, reddatur inhabilis ad validè, & licetè conferendum alteri beneficium? *R. 1.* id verum esse de excommunicato vitando, *i. per c. unicum*, ne Sede vacante, in *6. c. diversitatem*, *6. de concessi. præb. ex c. Tanta*, *18. de excessib. Prælator.* ubi dicitur, quando collatio communiter ad Episcopum & Capitulum pertinet, uno ipsorum effecto inhabili, alterum conferre; id, quod etiam colligitur ex *c. quia 4.* ubi habetur, non servantem interdictum, suspensum esse ab officio, beneficio, & omni jurisdictione. Deinde, quia excommunicatus vitandus privatus est jurisdictione, consequenter ejus exercitio; collatio autem beneficii est actus jurisdictionis, ergo. Ma. constabat ex *n. 1976. min. ex Glossa communi in c. cum inter de elect. V. de talibus*, apud Leandrum *D. 10. q. 1.* hoc autem in excommunicato toleratio non procedit; cum eius acta in favorem fidelium valcent, post Concilium Constantiense, ut supr. diximus, & patebit in seq. Si tamen sponte se ingereret, & non requisitus, secundum alibi dicta peccaret.

1967

Quæ diximus de excommunicato vitando, vera sunt, si vel unus sit ex Collatoribus talis, cum collatio est penes plures, Leander cit. q. 6. idem est de jurisdictione eligendi quoad excommunicatum vitandum, quod diximus de jurisdictione conferendi, ex *c. cum inter*, *1. de elect.* ubi hoc dicitur de electione à suspensis, quod Glossa apud Leand. cit. extendit etiam ad excommunicatos; cum beneficiorum collatio, æquè ac electio sit actus jurisdictionis, quæ privatum dicemus talen infra *n. 1976.* Hinc electio facta ab excommunicato vitando, cuius suffragium necessarium est, ut colligitur ex casu in *c. ad probandum*, *24. de sent.* & *re judic.* ubi sententia per Judices delegatos, ex omnibus si unus excommunicatus fuit, lata, *infirmando dicitur*; Secùs, si ejus suffragium non sit necessari-

um, vel non fuerit scienter admissus; quamvis idem affirmat Gaspar Hurtado contra Leand. q. 10. esto scienter admissus fuerit. Electio autem summi Pontificis valida est, licet fiat electoribus excommunicatis, ex Clem. Romani, *s. Cæterum*, de elect.

Ulterior dubitatio est *i. an præsenta-* 1968

tio ad beneficium Ecclesiæ, à Patrono Laico, sed excommunicato vitando, licetè fiat? *q. negativæ;* quia non potest fieri sine communicatione Ecclesiastica. Sic Suarez D. 14. f. 2. n. 21. & alii: sivepræsentator sit Clericus, negat illam valere Leander q. 15. quia tunc habet vim electionis, arg. c. *cum autem, c. nobis, c. penult.* de jure Patron: & hoc jus præsentandi habet Clericus ratione beneficii, vel dignitatis Ecclesiasticae, quo, dum excommunicatus est vitandus, privatur. Si enim Episcopus dictam præsentationem Laici admittat (quamvis id licetè non possit, ne communicet cum excommunicato vitando) & persona præsentata digna sit, valida erit, etiam quoad institutionem & collationem; esto Hurtadus, Vasquez, & Covar. velint ejusmodi præsentationem invalidam esse. Ratio autem prioris est, quia Laicus non præsentat *ex officio*, sed, ut quid ad suum patrimonium spectans, quod validè administrare potest etiam excommunicatus non toleratus. Est enim tantum expressio voluntatis, quod non est quid juris, sed facti. Ex hoc patet ratio discriminis inter Patronum Clericum & Laicum. *i. quia* hujus præsentatio non habet vim electionis, atque nihil juris confert, sed est tantum mera nominatio personæ, ab Episcopo instituenda, in cuius institutione relinquunt totalem dispositionem beneficii, c. *quoniam*, de jure patron. *2. quia* ejus præsentatio non est principium proximum, nec dat jus ad actus excommunicato vetitos. Nam Laicus non habet potestatem conferendi jus spirituale; fecus est de Clerico. Unde cum hic præsentat, præsentatus non accipit totale jus ab Episcopo, sed partialiter à Clerico. Coeterum, cum supposita præsentatione facta à Laico excommunicato, totum jus sit ab Episcopo, si is nolit, ut talis præsentatio in re effectum habeat, potest; quod verum est, licet præsentatus dignus sit; quia non tenetur ei communicare, præsentationem ejus recipiendo.

Dubitatio est *2. quid dicendum de ad-* 1969
mmissione, vel sumptione beneficii legitimè
collati,